

全上古三代秦漢三國六朝文

全後魏文卷六

烏程嚴可均校輯

孝文帝四

追贈彭城王勰母潘爲國太妃詔 太和十八年七月

弟勰所生母潘早齡謝世顯號未加勰禍與身具痛隨形起今因其展思有足悲矜可贈彭城國太妃旨慰存亡 魏書彭城王勰傳

考績黜陟詔 太和十八年九月

三載考績自古通經三考黜陟旨彰能否今若待三考然後黜陟可黜者不足爲遞可進者大成賒緩是旨朕今三載一考考卽黜陟欲令愚滯無妨于賢者才能不壅于下位各令當曹考其優劣爲三等六品旨下尚書重問五品旨上朕將親與公卿論其善惡上上者遷之天下者黜之中中者守其本位 魏書孝文紀下又通典十五

詔太傅元丕 太和十八年十月

中原始稱須臾營視在代之事一委太傅

魏書宗室元丕傳帝將北巡遷太傅錄尚書事

及車駕發代丕

留守詔云云

敕勒蠻民勿侵暴詔

太和十八年十月庚午

比聞緣邊之蠻多有竊掠致有父子乖離室家分絕既虧和氣有傷仁厚方一區宇子育萬姓若苟如此南人豈知朝德哉可詔荆

郢東荆三州敕勒蠻民勿有侵暴

魏書孝文紀下

詔免元嵩官

太和十八年

嵩不能克己復禮企心典憲大司馬薨殂甫爾便召鷹鷄自娛有如父之痛無猶子之情捐心棄禮何其太速便可免官

魏書在戚王附傳大

司馬安定王休薨未及卒哭嵩便遊田高祖聞而大怒詔

詔荅樓毅

時不自來因人則合今年人事殊非昔歲守株之唱便可停也陽

九利涉豈卿所知也

魏書樓伏連附傳車馬南伐毅表諫詔荅

報劉芳注弔比干文詔

太和十八年

覽卿注殊爲富博，但文非屈宋，理慙張賈，既有雅致，便可付之集

書魏書劉芳傳

邢巒策秀詔

秀孝殊，問經權異策，邢巒才清，可合策秀。

魏書邢巒傳有司奏策秀孝高祖詔

詔成淹

太和十九年正月

此前車之鑒，得不慎乎。

魏書成淹傳車駕濟淮淹于路左請見詔云云

報高道悅詔

太和十九年

省所上事，深具乃心，但卿之立言，半非矣。當須陳非，已示謬，稱是已彰得，然後明所已而不用，有由而爲之，不爾，則未相體耳。回材都水，暫營嬉遊，終爲棄物，脩繕非務，舟楫無郭，士女雜亂，此則卿之失辭矣。深薄之危，撫後之重，斯則卿之得言也。

魏書高道悅傳

諡馮誕詔

太和十九年二月辛酉

案諡法善行仁德曰元、柔克有光曰懿、昔貞惠兼美、受三諡之榮、忠武雙徽、錫兩號之茂、式準前迹、宜契具瞻、既自少綢繆、知之惟朕、案行定名、諡曰元懿、魏書馮熙附傳

遷都奉迎靈主詔

太和十九年二月癸亥今魏書作三月誤

知太和廟已就、神儀靈主、宜時奉靈、可剋三月三日己巳、內奉遷于正廟、其出金墉之儀、一準出代都太和之式、入新廟之典、可依近至金墉之軌、其威儀鹵簿、如出代廟、百官奉遷、宜可省之、但令朝官四品已上、侍官五品已上、及宗室奉迎、魏書禮志一通典四十七

詔諡馮熙

太和十九年三月

可召威疆恢遠曰武奉諡于公

魏書馮熙傳

報廣陵王羽內攷京官詔

太和十九年

雖內攷未宣、績已久著、故明堂月令、載公卿大夫論攷、屬官之治、職區分著三公、尚書三載殿最之義、此之攷內、已爲明矣、但論攷

之事理在不輕問續之方。應關朕聽。輒爾輕發。殊爲躁也。每致之義。應在年終。既云此年。何得春秋也。今始維夏。旦待至秋後。魏書廣陵

王羽傳

手詔徵王肅入朝。太和十九年

不見君子。中心如醉。一日三歲。我勞如何。飾館華林。拂席相待。卿欲目何日發汝墳也。故復此敕。魏書王肅傳肅爲豫州刺史徵入朝高祖手詔又見北史四十二

又詔

肅丁荼蔬世志等伍胥。自拔吳州。膺求魏縣。躬操忘禮之本。而同無數之喪。誓雪怨恥。方屢申復。窮諭再期。蔬縵不改。誠季世之高風。末代之孝節也。但聖人制禮。必均愚智。先王作則。理齊盈虛。過之者俯而就之。不及者企而行之。曾參居罰。寧其哀終。吳員處酷。豈聞四載。夫三年者。天下之達喪。古今之所一。其雖欲過禮。朕得不制之。旨禮乎。有司可依禮諭之。爲裁練禫之制。魏書王肅傳

臨馮誕墓詔

太和十九年五月

馮大司馬已就墳塋永潛幽室宿草之哭何能忘之

魏書馮
誕附傳

詔太傅元丕

太和十九年五月

今洛邑肇構跂望成勞開闢暨今豈有曰天子之重遠赴舅國之喪朕縱欲爲孝其如大孝何縱欲爲義其如大義何天下至重君臣道懸豈宜苟相誘引陷君不德令僕已下可付法官貶之

魏書宗室

元丕傳丕又曰馮熙薨于代都表求禭駕親臨詔云云

皇太子冠禮有三失詔

太和十九年六月

比冠子恂禮有所闕當思往失更順將來禮古今殊制三代異章近冠恂之禮有三失一朕與諸儒同誤二諸儒違朕故令有三誤今中原兆建百禮惟新而有此三失殊自愧歎春秋襄公將至衛曰同姓之國問其季幾而行冠禮古者皆灌地降神或有作樂曰迎神昨失作樂至廟庭朕自意而行拜禮雖不得降神于理猶差

完司馬彪云漢帝有四冠一緇布二進賢三武弁四通天冠朕見家語冠頌篇四加冠公也家語雖非正經孔子之言與正經何異諸儒忽司馬彪志致使天子之子而行士冠禮此朝廷之失冠禮朕已爲有賓諸儒皆曰爲無賓朕既從之復令有失孔子云斐然成章其斯之謂魏書禮志四十九年五月冠皇太子恂于廟六月高祖臨光極堂引見羣官詔又見通典五十六除辭真度爲荊州刺史詔太和十九年五月

真度之罪誠如所奏但頃與安都送款彭方開關徐宋外捍沈攸道成之師內寧邊境烏合之眾淮海來服功頗在茲言念厥績每用嘉美赭陽百敗何足計也宜異羣將更申後效可還其元勳之爵復除荊州刺史自餘徽號削奪進足彰忠退可明失魏書薛安都攻赭陽爲房伯玉所敗有司奏免官爵詔云云

罷祀郭中密皇后廟詔太和十九年六月

婦人外成理無獨祀陰必配陽自成天地未聞有莘之國立太姒

之饗此乃先皇所立一時之至感非經世之遠制便可罷祀魏書
密皇后傳高祖時相州刺史高闢表修后廟詔云云案今
密后傳高祖誤作高宗據禮志一改正高闢表亦見禮志一
舊墓不聽墾植詔太和十九年九月

諸有舊墓銘誌見存昭然爲時人所知者三公及位從公者去墓
三十步尙書令僕九列十五步黃門五校十步各不聽墾植魏書
孝文

下紀

賜高闢詔太和十九年九月

闕昔在中禁有定禮正樂之勳作藩于州有廉清公幹之美自大
軍停軫庶事咸豐可謂國之老成善始令終者也每惟厥德朕甚
嘉焉可賜帛五百匹粟一千斛馬一匹衣一襲目察厥勤魏書高
闕傳車
駕至郡高祖頓
幸其州解詔

目高闕爲幽州刺史詔

闕曰懸車之年方求衣鑑知進忘退有塵謙德可降號平北將軍

朝之老成宜遂情願徒授幽州刺史令存勸兩脩恩法竝舉

高闕

傳聞每請本州
百自效詔云云

臨廣川王諧喪詔 太和十九年

朕宗室多故從弟諧喪逝悲痛摧割不能已已古者大臣之喪有三臨之禮此蓋三公已上至于卿士已下故應關自漢已降多無此禮朕欲遵古典哀感從時雖已尊降伏私痛靈爽欲令諸王有葦親者爲之三臨大功之親者爲之再臨小功總麻爲之一臨廣川王于朕大功必欲再臨再臨者欲于大殮之日親臨盡哀成服之後總麻而弔既殮之總麻理在無疑大殮之臨當否如何爲須撫柩于始喪爲應盡哀于闔棺早晚之宜擇其厥中

魏書廣川王略附傳

又詔

魏晉已來親臨多闕至于戚臣必于東堂哭之頃大司馬安定王薨朕既臨之後復更受慰于東堂今日之事應更哭否

魏書廣川王略附傳

又詔

若大司馬威尊位重必哭于東堂而廣川既是諸王之子又年位

尙幼卿等議之朕無異焉

魏書廣川王略附傳

廣川王不得就妃葬代詔

遷洛之人自茲厥後悉可歸骸邱嶺皆不得就塋恆代其有夫先葬在北婦今喪在南婦人從夫宜還代葬若欲移父就母亦得任之其有妻墳于恆代夫死于洛不得冒尊就卑欲移母就父宜亦從之若異葬亦從之若不在葬限身在代喪葬之彼此皆得任之其戶屬恆燕身官京洛去畱之宜亦從所擇其屬諸州者各得任意

魏書廣川王略附傳有司奏廣川王妃薨于代京未審日新尊從于卑舊爲宜卑舊來就新尊部云

議圓丘禮詔 太和十九年十一月己卯

朝集公卿欲論圓丘之禮今短晷斯極長日方至案周官祀昊天上帝于圓丘禮之大者兩漢禮有參差魏晉猶亦未一我魏氏雖

上參三皇下攷叔世近代都祭圓丘之禮復未攷周官爲不刊之法令曰此祭圓丘之禮示卿等欲與諸賢攷之厥衷

魏書禮志一

詔廣陵王羽

太和十九年十二月

吾因天庥運乘時樹功開荆拓河威振楚越時暨三炎息駕汝穎勢臨荆徐聲遏江外未容解甲凱入三川纂兵修律俟秋方舉海服之寄故惟宗良善開經策寧我東夏敬慎汝儀勿墜嘉問唯酒唯田可不戒歟

魏書廣陵王羽傳羽爲青州刺史高祖親餞之華林園後詔

詔于登

太和十九年十二月

朕今創禮新邑明揚天下卿父乃行謙讓之表而有直士之風故進卿爲太子翊軍校尉

魏書于栗磾附傳烈子登引例求進烈表乃引見登詔

吏民爲刺史服詔

太和十九年

今古時殊禮或隆殺專古也理與今違專今也大乖曩義當斟酌兩途商量得失吏民之情亦不可苟順也主簿近代相承服斬過

葬便除可如故事自餘無服大成寥落可準諸境內之民爲齊衰

三月

魏書公孫表附傳表孫選爲青州刺史卒于官青州佐吏疑爲所服高祖詔

制定代人姓族詔

太和十九年

代人諸胄先無姓族雖功賢之胤混然未分故官達者位極公卿其功衰之親仍居猥任比欲制定姓族事多未就且宜甄擢隨時漸銓其穆陸賀劉樓干嵇尉八姓皆太祖已降勳著當世位盡王公灼然可知者且下司州吏部勿充猥官一同四姓自此巨外應班士流者尋續別敕原出朔土舊爲部落大人而自皇始已來有三世官在給事已上及州刺史鎮大將及品登王公者爲姓若本非大人而皇始已來職官三世尙書已上及品登王公而中間不降官緒亦爲姓諸部落大人之後而皇始已來官不及前列而有三世爲中散監已上外爲太守子都品登子男者爲族若本非大人而皇始已來三世有令已上外爲副將子都太守品登侯已上

者亦爲族凡此姓族之支親與其身有緦麻服已內微有一二世
官者雖不全充美例亦入姓族五世已外則各自計之不蒙宗人
之蔭也雖緦麻而三世官不至姓班有族官則入族官無族官則
不入姓族之例也凡此定姓族者皆具列由來直擬姓族已呈聞
朕當決姓族之首末其此諸狀皆須問宗族列疑明同然後句其
舊籍審其官宦有實則奏不得輕信其言虛長僥僞不實者訴人
皆加傳旨問而詐不曰實之坐選官依職事荅問不曰實之條令
司空公穆亮領軍將軍元儼中護軍廣陽王嘉尙書陸琇等詳定
北人姓務令平均隨所了者三月一列簿帳送門下曰聞魏書官
氏志

餞南安王楨詔

太和二十年四月

從祖南安旣之蕃任將曠違千里豫懷惘戀然今者之集雖曰分
岐實爲曲宴並可賦詩申意射者可曰觀德不能賦詩者可聽射
也當使武士彎弓文人下筆

魏書南安
王楨傳

久旱得雨詔 太和二十年七月

炎陽爽節，秋零卷淋。在子之責，實深悚慄。故輟膳三晨，曰命上訴。靈鑒誠款，曲流雲液。雖休勿休，盍敢愆怠。將有賢人湛德，高士凝棲。雖加銓采，未能招致。其精訪幽谷，舉茲賢彥。直言極諫，匡予不及。又邪佞毀朝，固唯治蠹。貪夫竊位，大政曰虧。主者彈劾，不肖明黜。盜祿又法爲治要，民命尤重。在京之囚，悉命條奏。朕將親案，曰時議決。又疾苦六極，人神所矜。宜時訪恤，曰拯窮廢，鯁寡困乏。不能自存者，明加矜恤，令得存濟。又輕徭薄賦，君人常理。歲中恆役，具曰狀聞。又夫婦之道，生民所先。仲春奔會，禮有遠式。男女失時者，曰禮會之。又京民始業，農桑爲本。田稼多少，課督不具。曰狀言

魏書孝文紀下

詔僕射李冲領軍于烈 太和二十年十二月

陸徽元丕早口口口口大臣自與卿等同受非常之詔，朕許曰不

死之旨思得上下齊信。曰保大義。朕于卿等常忘短棄。取務相舍。養豈謂陸徽無心之甚。一至于斯。乃與穆泰結禍。數圖反噬。曰朕遷洛。內懷不可。擬舉諸王。議引于恂。若斯之論。前後非一。始欲推故南安王。次推陽平王。若不肯從。欲逼樂陵王。訕謗朝廷。書信炳然。事既垂就。徽曰洛都休明。勸令小緩。于是之後。兩人復競。然猶隱而弗聞。賴陽平王忠貞奮發。獲泰之言。便爾馳表。得使正人糾。厥恆岳無塵。是曰徽之愆失。處入門誅。朕諦尋前旨。許不盡法。反逆之志。自負幽明。違誓在彼。不關朕也。反心逆意。既異餘犯。雖欲矜恕。末如之何。然猶憶先言。兼曰末頗異議。聽自死別府。免厥辜戮。其門子孫永世不齒。元丕二子一弟。首爲賊端。其父無人明證。理在可觀。但曰言無炳灼。隱而弗窮。曰連坐應死。特恕爲民。朕本期有終。而彼自棄。卿等之閒。忽及今日。違心乖念。一何可悲。故此別示。想無致怪也。謀反之外。皎如白日耳。

魏書陸侯附傳陸徽與穆泰等同謀構逆賜死

獄中高祖詔僕射李冲領軍于烈云云冲烈表云云案今本詔字誤作謂據文云故此別示又據冲烈表云別垂明詔知此謂字必誤也

原元拔養子從罪詔 太和二十年十二月

僕射之議據律明矣太尉等論于曲矯也養所目從戮者緣其已免所生故不得復甄于所養此獨何福長處吞舟于國所目不獲者重列爵特立制因天之所絕推而除之耳豈復報對刑賞于斯則應死可特原之 魏書李冲傳

沙門道登喪詔 太和二十年

朕師登法師奄至徂背痛怛摧慟不能已已比樂怡慎喪未容卽赴便準師義哭諸門外續素之 魏書釋老志

引武興王楊集始入宴詔劉祖

集始邊方之酋不足目當諸侯之禮但王者不遺小國之臣況此蕃垂之主故勞公卿于此 魏書劉祖傳案此事祖傳列于十七年之前而本紀楊集始入朝在二十一

年四月疑傳
獄事失次也

爲鳩摩羅什舊堂所建浮圖詔 太和二十一年五月

羅什法師可謂神出五寸志入四行者也今常住寺猶有遺地獄
悅修蹤情深遐遠可于舊堂所爲建三級浮圖又見逼昏虐爲道
殄軀既暫同俗禮應有子胤可推訪呂聞當加敘接 魏書釋
老志

恤老病詔 太和二十一年九月

哀貧恤老王者所先鰥寡六疾尤宜矜愍可敕司州洛陽之民年
七十已上無子孫六十已上無妻親貧不自存者給以衣食及不
滿六十而有廢痼之疾無大功之親窮困無以自療者皆于別坊
遣醫救護給醫師四人豫請藥物以療之 魏書孝
文紀下

命公孫延景宣詔房伯玉 太和二十一年九月

天無二日土無兩王是曰躬總六師蕩一四海宛城小戍豈足自
禦抗王威深可三思封侯胙土事在俯仰 魏書房法
壽附傳

朕親率麾旃遠清江河此之小成豈足徘徊王師但戎輅所經纖介須殄宜量力三思自求多福且卿早蒙蕭蹟殊常之眷曾不懷恩報曰塵露蕭鸞妄言入繼道成蹟子無子遺卿不能建忠于前君方立節于逆豎卿之罪一又頃年傷我偏師卿之罪二今鑿旃親戎清一南服不先面縛待罪麾下卿之罪三卿之此戍多則一年中則百日少則三旬尅殄豈遠宜善思之後悔無及

魏書房法壽附傳

詔彭城王勰

太和二十一年十一月

明便交敵可敕將士肅爾軍儀

魏書彭城王勰傳

詔荅彭城王勰

割身存國理爲遠矣但汝亦我乃滅已助國職俸便停親國二事

聽三分受一

魏書彭城王勰傳勰表曰國秩職俸親恤曰裨軍國詔荅

增彭城王勰邑戶詔

朕形疲稚年心勞長歲積思成病頓發汝頴第六弟勰孝均周弟

感侔姬旦、遵食捨寐、動止必親、敦醫勸膳、誠力俱竭、致茲保康、實
賴同氣、又秉務緝政、百司是憑、綱維折衷、萬揆獲濟、撫師于霖、泮
之辰、處戎于薦、逼之日、安外靜內、功臣大道、侍省之績、可目孔懷、
無裒翼亮之勤、實乃勳存社稷、宜有酬賞、曰旌國功、可增邑一千

戶、魏書彭城
王勰傳

又詔彭城王勰

汝在私能孝、處公必忠、比來勤憂、足布朝野、但可祇應、魏書彭城
王勰傳

賜進士出身二品銜廣東等處提刑按察使司按察使兼管驛傳事務古岡王毓藻校刊

全後魏文卷七

烏程嚴可均校輯

孝文帝五

原沈保沖詔 太和二十一年

保沖文秀之子，可特原命配洛陽作部終身。

魏書沈文秀附傳子保沖坐援趙口退敗

有司處之死刑高祖詔

手詔李崇爲梁州刺史 太和二十一年

今仇隴剋清，鎮捍日德，文人威惠既宣，實允遠寄，故救受梁州，用監邊服，便可善思經略，去其可除，安其可育，公私所患，悉令芟夷。

魏書李崇傳

饑北海王詳還洛詔 太和二十二年正月

昔者淮夷叛命，故有三年之舉，鬼方不令，乃致淹載之師，況江吳羈命，于今十紀，朕必欲蕩滌南海，然後言歸，今夏停此，故與汝相

見善守京邑副我所懷

魏書北海王詳傳車駕南伐詳朝于行宮及還洛高祖優之詔詳

詔王肅

太和二十二年正月

夫知己貴義君臣務恩不能矜災卹禍恩義焉措卿情同伍員懷酷歸朕然未能翦一讎人賊彼凶帥何嘗不興言憤歎羨吳閭而長息比獲蕭鸞輔國將軍黃瑤起乃知是卿怨也尋當相付微望紆泄使吾見卿之日差得緩懷

魏書王肅傳既平漢陽詔肅云云初齊武之收肅父奐也司馬黃瑤

起收奐殺之故詔云然

詔房伯玉

太和二十二年二月

朕承天馭宇方欲清一寰域卿叢余小戍敢拒六師卿之愆罪理在不赦

魏書房法壽附傳

詔荅王肅

太和二十二年三月

得表覽之撫然觀卿意非專在水當是巨藻等銳兵新敗于前事往勢難故也朕若分兵遣之非多會無所制多遣則禁旅雖闕今

日之計唯當作必剋之舉不可爲狐疑之師徒失南究也卿便息
意停彼旨圖義陽之寇宜止則止還取義陽宜下則下鎮軍淮北
深量二途勿致重爽若孟表糧盡軍不及致失渦陽卿之過也魏書
王肅傳肅討義陽未剋而齊將裴叔業寇渦陽劉藻等救之度叔
業所敗肅表求更遣軍援渦陽詔云云肅乃解義陽之圍曰赴渦
陽孝明紀乙未詔將軍鄒思明
懷虛敬宇文福等三軍繼援

旨傳永爲汝頴鎮將詔

脩期在後少有擒殺可揚武將軍汝陰鎮將帶汝陰太守

魏書傳永傳裴

叔業又圍渦陽遣永爲統軍與高聰劉藻成道益任莫間等往救
之戰敗高祖俱鎮之聰藻徒爲邊民永免官爵而已不旬日詔云
云案傳
永字脩期

減損恆供詔 太和二十二年九月

朕曰寡德屬茲靖亂實賴羣英凱清南夏宜約躬賞效曰勸茂績
后之私府便可損半六宮嬪御五服男女常恤恆供亦令減半在
戎之親三分省一

魏書孝文紀下

詔南陽太守鄒長猷

太和二十二年九月

昔曹公剋荊州，畱滿寵于後。朕今委卿此郡，兼統戎馬，非直綏初

附，引扞城相託。

魏書劉芳附傳

酬賚徐寒詔

太和二十二年九月

夫神出無方，形稟有礙。憂喜乖適，理必傷生。朕覽萬機，長鍾革運。思芒芒而無息，身忽忽以興勞。仲秋動痲，心容頓竭。氣體羸瘠，玉几在慮。侍御師右，軍將軍徐成伯，馳輪太室，進療汝蕃。方窮丹英，藥盡芝后，誠術兩輸。忠妙俱至，乃令沈勞勝愈，篤療克痊。論勤語效，實宜褒錄。昔晉武暴疾，程和應增封。辛收數朝，錢爵大墜。況疾深于曩辰，業難于疇日，得不重加陟賞乎。宜順羣望，錫曰山河。且其舊逕高秋，中暫解退。比雖銓用，猶未口口。準舊量令，事合顯進。可鴻臚卿，金鄉縣開國伯，食邑五百戶，賜錢一萬貫。

魏書徐寒傳

又詔

錢府未充須旨雜物絹二千匹雜物一百匹四十四匹出御府穀二千斛奴婢十口馬十四匹一匹出驛驢牛十頭所賜雜物奴婢牛馬

皆經內呈

魏書徐
寔傳

贈李冲詔

太和二十二年

冲貞和資性德義樹身訓業自家道素形國太和之始朕在弱齡早委機密實康時務鴻漸溷洛朝選開清升冠端右惟允出納志肅柔明足敷睿範仁恭信惠有結民心可謂國之賢也朝之望也方昇寵秩已旌功舊奄致喪逝悲痛于懷既畱勤應陟兼良宿宜褒可贈司空公給東園祕器朝服一具衣一襲贈錢三十萬布五百匹蠟二百斤

魏書李
冲傳

推列韓顯宗詔

太和二十二年

顯宗斐然成章甚可怪責進退無檢虧我清風此而不糾或長敝俗可付尙書推列已聞

魏書韓
顯宗傳

奪韓顯宗見官詔

太和二十二年

顯宗雖浮矯致愆，才猶可用，豈得永棄之也。可召白衣守諮議，展其後效。但鄙很之性，不足參華，可奪見口并禁問訊諸王。

魏書韓顯宗傳

轉薛真度爲豫州刺史詔

太和二十二年

獻忠盡心，人臣令節，標善賞功，有國徽範。故一言可召興邦，片辭可召喪國。得無遠錄前謀，已寢厥善。真度爰自遷京，每在戎役，河

魏書薛安都附傳

野羣情皆異，真度獨與朕同，撫蠻蓋夷，實有勤績，可增邑二百戶。

轉征虜將軍豫州刺史

魏書薛安都附傳

報廣陵侯衍詔

先君餘尊之所厭禮之明文，季末陵遲，斯典或廢。侯既親王之子，

宜從餘尊之義，便可大功。

魏書薛安都附傳衍爲徐州刺史所生母雷氏卒表請解州詔云

報元脩義詔

脩短有命吉凶由人何得過致憂憚。曰乖維城之寄違凶就吉時亦有之可聽更立館宇。魏書汝陰王天賜附傳第五子脩義遷齊州刺史曰齊州須張刺史累表固辭詔云爲六弟娉室詔

夫婚姻之義曩葉攸宗求賢擇偶綿代斯慎故剛柔著于易經鵠巢載于詩典所曰重夫婦之道美尸鳩之德作配君子流芳後昆者也。然則婚者合二姓之好結他族之親上曰事宗廟下曰繼後世必敬慎重正而後親之夫婦既親然後父子君臣禮義忠孝于斯備矣。太祖龍飛九五始稽遠則而撥亂創業日昃不暇至于諸王娉合之儀宗室婚姻之戒或得賢淑或乖好迷自茲曰後其風漸缺皆人乏窈窕族非百兩擬匹卑濫舅氏輕微違典滯俗深用爲歎。曰皇子茂年宜簡令正前者所納可爲妾媵將曰此年爲六弟娉室長弟咸陽王禧可娉故潁川太守隴西李輔女次弟河南

王幹可媵故中散代郡穆明樂女次弟廣陵王羽可媵驃騎詒讓
參軍榮陽鄭平城女次弟潁川王雍可媵故中書博士范陽盧神
寶女次弟始平王勰可媵廷尉卿隴西李冲女季弟北海王詳可
媵吏部郎中榮陽鄭懿女

魏書成陽王禧傳

詔答有司

利建雖古未必今宜經野

北史作畫野

由君理非下請邑采之封自有

別式

魏書成陽王禧傳有司奏冀州人蘇僧瓊三千人稱肅清明有惠政請世祚冀州詔云云又見北史十七

停教武詔

雖云教武未練其方既逼北行臣聞教武脫生羣惑且可停之

魏書

成陽王禧傳

臨韓太妃喪詔

太妃韓氏薨逝情旨傷慟太妃先朝之世位擬九殞豫班上族誕
我同氣念此孤稚但用感側明當暫往臨哭可敕外備辦遣侍御

史假節監護喪事贈練八百匹

魏書趙郡王幹傳

敦諭河南王幹詔

季世多務情緣理奪幹既居要任銓衡是荷豈容遂其私志致曠所司可遣黃門郎敦諭令勉從王事朕尋當與之相見

魏書趙郡王幹傳

饒趙郡王幹詔

夫刑獄之理先哲所難然既有邦國得不自勵也汝我之懿弟當聿修厥德光崇有魏深思遠圖如臨深履薄罔恃親重不務世政

國有常憲方增悲感

魏書趙郡王幹傳幹除冀州刺史高祖親饒于近郊詔幹

推問斬盜馬賊詔

夫刑自節人罪必無濫故刑罰不中民無措手足若必自威殺爲良則應汎通眾收苟須有禁何得不稽之正典又律令條憲無聽新君加戮之文典禮舊章不著始臨專威之美尚書曲阿朕意實傷皇度幹闕于治理律外重刑竝可推聞

魏書趙郡王幹傳幹爲冀州刺史州表斬盜馬

人于律遇重而尚書曰幹
初臨緩而不劾鄒云云

詔鄒範

卿身非功舊位無重班所旨超遷顯爵任居方夏者正旨勤能致
遠雖外無殊效亦未有負時之愆而鎮將伊利妄生姦撓表卿造
船市玉與外賊交通規陷卿罪窺覲州任有司推驗虛實自顯有
罪者今伏其辜矣卿其明為算略勿復懷疑待卿別犯處刑及鞭
今恕刑罷鞭止罰五十卿宜克循緩輯邊服稱朕意也

魏書鄒範傳

經李冲墓遣祭詔

太和二十三年正月

司空文穆公德為時宗勳簡朕心不幸徂逝託墳邱嶺旋鑿覆舟
躬睇瑩域悲仁惻舊有慟朕衷可遣太牢之祭旨申吾懷

魏書李冲傳

謚高祐詔

太和二十三年

不遵上命曰靈可謚為靈

魏書高祐傳

褒升崔振詔

太和二十三年

振在郡著績宜有褒升

魏書崔暹附傳暹弟振爲高陽內史徵康

詔云云案官氏志

改職令在二十三年

詔任城王澄太和二十三年三月

顯達侵亂河陽不安朕不親行莫攘此賊朕疾患淹年氣力憊敝

如有非常委任城大事是段任城必須從朕

魏書任城王傳高祖不豫引澄入見清徽

室詔云云遂從駕南伐

齊王儂喪詔太和二十三年

叔父薨背痛慕摧絕不自勝任但虛頓牀枕未堪奉赴當力疾發

哀魏書齊郡王儂傳莫時高祖不豫

勸張彝爲守尙書詔

阿倪愚昧誰引爲郎

北史秦王翰傳附斤子昭小字阿倪尙書張彝引奏殿中郎孝文將爲齊郡王簡舉哀而

是勸彝白衣守尙書昭遂停廢

手詔皇太子

汝弟六叔父。夙清規懋賞。與白雲俱潔。厭榮捨拔。曰松柏爲心。吾少與綢繆。提攜道趣。每請解朝纓。恬真丘壑。吾曰長兄之重。未忍離遠。何容仍屈素業。長嬰世網。吾百年之後。其聽。聽辭。蟬捨冕。遂其沖挹之性。無使成王之朝。翻疑姬旦之聖。不亦善乎。汝爲孝子。勿違吾教。

魏書彭城王勰傳

曰僧顯爲沙門都統詔

門下近得錄公等表。知欲早定沙門都統。比攷德選賢。寤寐勤心。繼佛之任。莫知誰寄。或有道高年尊。理無勞紆。或有器立識邈。高挹塵務。今日思遠寺主法師僧顯。仁雅欽韻。澄風柔鏡。深敏潛明。道心清亮。固堪茲任。式和妙眾。近已口白。可敕令爲沙門都統。及副儀貳事。繙素攸同。頃因曜統。獨濟遂廢。茲任今欲毗德贊善。固須其人。皇舅寺法師僧義。行恭神曷。溫聰議正。業茂道優。用應副翼。可都維那。曰光賢徒。

廣引明集
二十四

聽諸法師一月三人殿詔

門下崇因贊業莫若宗玄、禪師染志、誰先英哲、故周旦將其朋之
誥、釋迦唱善知之文、然則位尊者曰納賢爲貴、德優者曰親仁爲
尚、朕雖寡昧、能無庶幾也、先朝之世、經營六合、未遑內範、遂令皇
庭闕高邈之容、紫閣簡超俗之儀、于欽善之理、福田之資、良爲未
足、將欲令懿德法師時來相見、進可餐稟道味、退可飾光朝廷、其
敕殿中聽一月三人、敷法諱、別當牒付、廣弘明集二十四

令諸州眾僧安居講說詔

門下憑玄歸妙、固資冥風、餐慧習慈、實鍾果智、故三災檢攝、道之
恆規、九夏溫詮、法之嘉猷、可敕諸州、令此夏安居清眾、大州三百
人、中州二百人、小州一百人、任其數處講說、皆僧祇粟供備、若粟
少徒寡、不口此數者、可令昭玄量減還聞、其各欽旌賢匠、良推叡
德、勿致濫濁、情茲後進、廣弘明集二十四

贈徐州僧統并設齋詔

門下徐州道人統僧達風識淹通器尚倫雅道業明博理味淵澄
清聲茂譽早彰于徐沛英懷立致夙流于譙宋比唱法北京德芬
道俗應供皇筵美敷宸宇仁叡之良朕所嘉重依因既終致茲異
世近忽知聞悲愴于懷今路次充濮青泗豈遙愴然念德又增厥
心可下徐州施帛三百疋已供追福又可爲設齋五千人

廣弘明
集二十

歲施道人應統帛詔

門下應統仰紹前哲繼軌道門微佇立範沖猷是託今旣讓俗名
理宜別供可取八解之義歲施帛八百疋準四輩之祝隨四時而
給又修善之本實依力命施食之因內典所美可依朝官上秩當
月而施所已遠譬深理者匪獨開崇俗心抑亦獎勵道意耳

廣弘
明集

爲慧紀法師亡施帛設齋詔

門下徐州法師慧紀凝量貞遠道識清虛英素之操超然世外綜涉之功斯焉罕倫光法彭方聲茂華倫研論宋壤宗德遠邇爰于往辰唱啼鹿苑作匠京緇延賞賢叢候矣死魔忽蠟良器聞之悲哽傷慟于懷可救徐州施帛三百疋并設五百人齋廣弘明集二曰崇追益

十四

敕副使王清石 太和初

卿莫目本是南人言語致慮若彼先有所知所識欲見便見須論卽論盧昶正是寬柔君子無多文才或主客命卿作詩可率卿所知莫目昶不作便復罷也凡使人之體目和爲貴勿遽相矜誇見于色貌失將命之體卿等各率所知目相規誨魏書盧玄附傳謂盧昶使于蕭昭業

又敕副使王清石

敕王肅劉昶 太和十九年

聞蕭衍善用兵，勿與爭鋒。待吾至，若能禽此人，則江東吾有也。

南史

六建武二年，肅親軍騎走，得蕭昶巾箱中魏帝敕。

密敕宕昌公王遇，將還洛。

太師萬一，即可監護喪事。

魏書 萬一傳

敕荅成淹，諫汎泗入河。

太和十九年四月

朕自恆代無運漕之路，故京邑民貧。今移都伊洛，欲通運四方。而黃河急浚，人皆難涉。我因有此行，必須乘流，所曰開百姓之心。知卿至誠，而今者不得相納。

魏書成淹傳 高祖幸徐州，將汎泗入河，汎流還洛，軍次橋，破淹乃上疏諫。諫高

祖敕

宣旨彭城王勰

總翼六師，纂戎荆楚。河北之勳，每毗廟算。從征新野，有克城之謀。受命鄧城，致大捷之效。功爲羣將之最也。別賞授賞，不替厥庸。

魏書彭城王勰傳 車駕還京會百寮于宣德堂行飲至策勳之禮 命舍人宣旨

戒南安王楨

翁孝行著于私庭，令聞彰于邦國。每欲忠諫，思一言展，故因講武，遠徵赴闕。仰戀仁慈，情在未已。但長安鎮年饑，民餓，理須綏撫，不容久留。翁今還州，其勤隱恤，無令境內有飢餓之民。翁既國之懿親，終無貧賤之慮。所宜愼者，略有三事：一者恃親驕矜，違禮僭度；二者傲慢貪奢，不恤政事；三者飲酒遊逸，不擇交友。三者不去，患禍將至。但能慎此，足自全身遠害。光國榮家，終始之德成矣。

魏書
王楨傳

誠高陽王雍

相州乃是舊都，自非朝賢德望，無由居此。是日使汝作牧，爲政之道，非難非易。其身正，不令而行；故便是易。其身不正，雖令不從。故便是難。又當愛賢士，存信約，無用人言，而輕與奪也。

魏書高陽王
雍傳雍除相
州刺史高
祖誠雍

誠河南王幹

太和十七年六月

司空穆亮年器可師散騎常侍盧淵才堪詢訪汝其師之

魏書趙郡王幹

傳太和九年封河內王及車駕南伐呂幹總戎別道誠之

誠太子恂曰冠義

太和十七年七月

夫冠禮表之百代所曰正容體齊顏色順辭令容體正顏色齊辭

令順故能正君臣親父子和長幼然母見必拜兄弟必敬責曰成

人之禮字汝元道所寄不輕汝當尋名求義曰順吾旨

魏書廢太子恂傳太

和十七年冠恂于廟高祖臨光

掩東堂引恂人見誠曰冠義

戒上谷侯贊

贊化畿甸可宣孝道必令風教洽和文禮大備自今有不孝不弟

者比其門標曰刻其柱

北史十五秦王翰傳初置司州曰贊爲刺史賜爵上谷侯孝文戒云云于是賜名曰

贊

賜北海王詳璽書

比遊神何業也。丘墳六籍，何事非娛。善正風猷，肅是禁旅。魏書北

遺曹虎書

皇帝謝偽雍州刺史，神運兆中，皇居闕洛，化總元天，方融八表，而南有未賓之吳，治爲兩主之隔，幽顯含嗟，人靈壅閼。且漢北江邊，密邇乾縣，故先動鳳駕，整我神邑，卿進無陳平歸漢之智，退闕關羽殉節之忠，嬰閉窮城，憂頓長西，機勇兩缺，何其嗟哉。朕比乃欲造卿，逼宄未果，且還新都，饗厥六戎，人彼春月，遲遲揚旆，善脩爾略，曰侯義臨，而齊書曹虎傳。

爲家人書與彭城王勰

教風密微，禮政嚴嚴，若不深心日勤，何旨敬諸。每欲立一宗師，肅我元族，汝親則宸極，位乃中監，風標才器，實足師範，屢有口敕，仍執冲遜，難違清抱，在苒至今，宗制之重，捨汝誰寄，便委曰宗儀責。

成汝躬有不遵教典隨事日聞吾別肅治之若宗室有愆隱而不舉鍾罰汝躬綱維相厲庶有勸改吾朝聞夕逝不爲恨也

魏書彭城王勰傳

顧命宰輔

粵爾太尉司空尙書令左右僕射吏部尙書惟我太祖丕丕之業與四象齊茂累聖重明屬鴻厯于寡昧兢兢業業思纂乃聖之遺蹤遷都嵩極定鼎河瀛庶南蕩甌吳復禮萬國曰仰光七廟俯濟蒼生困窮早滅不永乃志公卿其善毗繼子隆我魏室不亦善歟可不勉之

魏書孝文紀下

祭恆嶽文

維太和十八年敬昭告于恆嶽之靈天極構高人暉肇啟幽明合歡百神同悅今龍旆鳴鑾載還伊室邁歷恆巒路鄰陰嶽惟靈作嶽出納炎冰帝道資功坤儀憑德故道兼官百姓王薦于恆嶽之

靈尚饗

初學記五

祭嵩高山文

維太和十八年，敬昭告于嵩高中嶽之靈。太極分渾，兩儀是生辰。作乾寶，嶽樹坤靈，昭彰天地，吐納五情。唯中挺神，祥契幽經。日月交暉，寒暑遞成。萬象合和，兆類孳盈。爰自化闢，假慶胥庭。軒轅體哲，伊祁載形。逮于有周，實光洛禎。川潛龍光，山隱鳳停。三才憑微，七曜依明。人倫傾首，百神柔誠。造厥區夏，歷茲三正。應符代續，孰不斯營。日乎皇魏，飛虬立并。螭騰穹象，川九黔羸。新邦興略，不猷罔清。佗瓊指陰，淹翠濕亭。河圖曠覽，升中闕銘。朕承法統，誕邀休宏。開物成務，載樂盛齡。遷宇柳方，闡繩塵城。則直之興，百堵若星。日躔流綬，月陸芬馨。鏘旋紫宿，景曜黃衡。鸞聲嘒嘒，鳥和嚶嚶。歸蓋如雲，還輶若霆。惟嵩崑崙，峻極昊青。惟邑翼翼，長啟魏京。薦玉告于用昭，永貞納茲多福。萬國曰靈。

初學記五

弔殷比干墓文

唯皇構選中之元載，歲御次乎關茂，望舒會于星紀，十有四日，日唯甲申，子揚和淇右，蹀躞鄘西，指崧原而搖步，順京途以啟征路，歷商區，轄屆衛壤，泛目睇川，縱覽觀陸，遂徇晚古跡，游敝曩風，觀殷比干之墓，悵然悼懷焉，乃命馭駐輪，策驥躬臨，荆蕪荒圻，工爲綿蕞，而遺猷明密，事若對德，慨狂后之猖穢，傷貞臣之婞節，聊與其韻，貽弔云爾。

日三才之肇元兮，敷五靈以扶德，含剛柔于金木兮，資明闇于南北，重離耀其炎暉兮，曾坎司立以秉黑，伊稟常之懷生兮，昏昏遞其啟則，晝皎皎其何朗兮，夜幽幽而致燐，哲人昭昭而燈光兮，狂夫黜黜其若寐，咨堯舜之耿介兮，何桀紂之猖敗，沈湎而不知甲兮，終或已日貽戾，蹇蹇兮比干，藉冑兮殷宗，含精兮誕立，寘樹兮英風，稟蘭露以滌神，淪棗英而傲容，如薜荔以蕩識，佩江離以麗

躬履霜曰結冰兮、卒嘗忠而弥濃、千金豈其吝珍兮、皇眷實余所
鍾、奮誠諫而燼軀兮、導危言曰蠶鋒、嗚呼哀哉、嗚呼哀哉、惟子在
殷、實爲樑棟、外贊九功、內徵辰共、匡率衰艱、德音遐洞、周師還旆、
非子誰貢、否哉悖運、遊此不辰、三綱道沒、七曜輝泯、負乘竊器、怠
棄天倫、懷誠齋怒、謹言焉陳、鬼侯已醜、子不見歟、邢侯已脯、子不
聞歟、微子去矣、子不知歟、箕子奴矣、子不覺歟、何其輕生、一致斯
歟、何其愛義、勇若歸歟、遺體旣灰、不其惜歟、永矣無返、不其痛歟、
嗚呼哀哉、嗚呼哀哉、夫天地之長遠兮、嗟人生之短多殃、往者子弗
及兮、來者子不履、當胡契闊之屯、亶兮、值昏化而永良、曷不相時、
曰卷舒兮、徒委質而嶺亡、雖虛名空傳于千載、詎何勤之可揚、奚
若騰魂曰遠逝、飛足而歸昌、得比肩于尚父、卒同協于周王、建鴻
績于盛辰、啟骨宇于齊方、闢穆音乎萬祀、傳冤業曰脩長、而乃自
受茲斃、視竅殷菜、剗心無補、迷機喪身、脫非武發、封墓誰因、嗚呼

介士胡不我臣

重日世惜昏而瀾濁兮日藹藹其無光時坎廩而險隘兮氣慄慄
曰飛霜子奚其不遠逝兮侘傺而阨故鄉可乘舟曰浮滄兮求蓬
萊而爲根銜芝條曰昇虛兮與赤松而翱翔被芰荷之輕衣兮曳
扶容之蒨裳循海波而灑颺兮望會稽曰歸禹紐蕙芷曰爲紳兮
冠荃佩而容與寫鬱結于聖人兮曷中心之祕語執垂益而談帝
兮交良朋而摠苦言既而東騰兮吸朝霞而長舉登此巖而悵望
兮眺扶桑曰停佇謁靈威曰問路兮乘谷風而振宇遂假載于羲
和兮馮六螭曰南處翫衡嶽而顧步兮濯沅湘曰自潔嚼炎州之
八桂兮踐九疑而遙竄卽蒼梧而宗舜兮拂埃霧曰就列采輕越
而肅帝兮切寶犀曰貫介誥清風之淪覆兮話蕭韶之湮滅召熊
羆而敘釋兮問重華之風桀余乃飲正陽之精氣兮遊丹丘而明
視捐祝融而求鳥兮御朱鸞曰循指因景風而凌天兮迴靈鷲曰

西履降黃渚而造稷兮，慰稼穡之艱難。訪有郅之誥誥兮，過何主
而獲安。然後陟崑崙之翠嶺兮，攀瓊枝而槃桓。步懸圃已漚澆兮，
咀玉英已折蘭。歷崦嵫而一顧兮，府沐髮于消盤。仰徙倚于閭闔
兮，請帝闈而啟闢。天沈寥而廓落兮，地寂漻而遼闊。滄淪陰已裊
氣兮，佩瑤珥而鳴鏘。拜招矩而脩節兮，少躊躇已相羊。祈騶驥而
總轡兮，隨泰風已颺揚。瞰不周而左旋兮，縱神駟已北望。尋流沙
而騁鸞兮，暨陽周已縹駕。靡芸芳已覆體兮，索夷杜而柝衛。奉軒
轅而陳辭兮，申時俗之不暇。適岐伯而脩命兮，展力牧而問羈。歎
沆瀣之純粹兮，闢寒門之層冰。聆廣莫之颺瑟兮，覲黔羸而迴凝。
擁玄武已涉虛兮，允神冥而威陵。象曖曖而晦鬱兮，途曷曷其難
勝。爰飛廉而前驅兮，使燭龍已輝澄。歸中樞而睇眈兮，想玄漠之
已周。慨飛魂之無寄兮，颯翩袂而上浮。引雄虹而登峻兮，揚雲旌
百軒。遊躍八龍之蜿蜿兮，振玉鬻之啾啾。攀彗星已朗導兮，委升

輒乎大儀、敖重陽之帝宮兮、凝精魄于旋曦、扈陽暉而靈脩兮、豈
傳說之足奇、但至燥之不悛兮、靈溘死而不移、碑拓本又甫齊書魏廢傳引脫非武
發四句案魏書孝文紀太和十八年十一月車駕幸鄴經比干
之墓傷其忠而獲展親爲甲文樹碑而刊之劉芳傳芳爲注解表
之

祭岱嶽文

太和十九年四月

維太和十九年、敢昭告于泰山東嶽之靈、造化氛氳、是生二儀、玄
黃旣闢、山川已離、四流含靈、五嶽苞祇、并兼萬象、出納望儀、岱宗
穹崇、梁甫盤嶺、青丘嶠嶷、春趾鬱律、肇生庶類、啟光品物、上敷神
工、下融靈秩、載協化文、四氣已溢、百王鑄成、莫不茲室、初學記五

祭河文

維太和十九年、皇帝敢昭告于河濟之靈、坤元涌溢、黃瀆作珍、浩
浩洪流、實裨陰淪、通源導物、含介藏鱗、啟潤萬品、承育蒼旻、惟聖
作則、惟禹克遵、浮槎飛帆、洞厥百川、朕承寶曆、克纂乾文、騰鸞淮

方旋鷁河濱，龍舫御灑，鳳旛乘雲，汎汎棹舟，翺翺沂津，宴我皇遊，
光餘夷濱，肇開水利，漕典載新，千艘桓桓，萬艘斌斌，保我大義，惟

爾作神

初學
記六

祭濟文

維太和十九年，皇帝遣太常寺守散騎常侍敢昭告于濟瀆之靈，
乾光資隴，坤載播液，惟瀆揚靈，協濟陰辟，庶象憑和，降升芳瀝，藉
神包化，比土宣績，溫芳涌瑞，沈源導濟，引流通滄，實侔四體，作潤
岱宗，含雲吐澧，潤波湛湛，川風灑灑，瞻洪津而懷德，乘長波而飲
智，汎龍儀之郁穆，瓊玉軒而浮被，沈璋璧之明物，真性潔已歸寄，

初學
記六

賜進士出身二品銜廣東等處提刑按察使司按察使兼管驛傳事務尚書王毓藻校刊

全後魏文卷八

烏程嚴可均校輯

宣武帝

帝諱恪，孝文帝第二子。太和二十一年立爲皇太子。二十三年四月卽位，改元四。景明正始永平延昌，在位十六年。謚曰宣武。

皇帝廟號世宗。

詔荅王肅

太和二十三年十一月

覽奏倍口崩絕，未足。已上酬勳德，且可如奏。

魏書彭城王勳傳

聽高閭致仕詔

閭貞幹早聞儒雅素著，出內清華，朝之嚮老。已年及致仕，固求辭任，宜聽解宗伯，遂安車之禮。特加優授，崇老成之秩，可光祿大夫金印紫綬，使散騎常侍兼吏部尚書邢巒就家拜授。

魏書高閭傳世宗踐阼閭

累表進位詔云云

賜饒高閭詔

閭歷官六朝著勳五紀年禮致辭義光進退歸軒首路感悵兼懷
安馴簾金漢世榮貺可賜安車几杖與馬繪綵衣服布帛事從豐
厚百寮儀之猶昔羣公之祖二疏也

魏書高閭傳

裴叔業曰壽春內屬下詔

景明元年正月丁未

叔業明敏秀發英款早悟馳表送誠功高振古宜加褒授曰彰先
覺可使持節散騎常侍都督豫雍充徐司五州諸軍事征南將軍
豫州刺史封蘭陵郡開國公食邑三千戶

魏書裴叔業傳

復授彭城王總司徒詔

景明元年二月

五教治樞古難其選自非親賢兼切莫應斯舉王曰明德懋親任
屬保傅出居蕃陝入御袞章內外克諧民神攸屬今董率戎麾威
號宜重可復授司徒曰光望實

魏書彭城王總傳

荅元嵩謀取河南詔

景明元年

所陳嘉謀，深是良計。如當機形，可進任將軍。裁之。

魏書任城王附傳

淮南平，遣鄭道昭勞彭城王勰。詔。

景明元年八月

王威尊上輔，德勳莫二，孤心味識，訓保攸憑。比呂壽春初開，鎮壓任重，故令王親董元戎，遠撫淮外，冒茲炎蒸，衝蓋飄颻，經略踰時，必有虧損，淹達詣覲，夙夜係情，兼制勝宣規，威効兼著，公私允稱，義所欽嘉。雖凱旋有期，無申延屬，可遣給事黃門侍郎鄭道昭就彼祇勞。

魏書彭城王勰傳

東堂引見彭城王勰。詔。

景明元年十月

比鳳凰未一，疑蒼黎二化，故仰屈尊，謨綏懷邊，附而寇豎昏迷，敢

闕淮楚，叔父英略高明，應機殄定，凱旋今辰，伏慰悲忤。

魏書彭城王勰傳

分陳郡儲粟賑豫州。詔。

景明初

眞度所表，甚有憂濟百姓之意，宜在拯卹。陳郡儲粟雖復不多，亦

可分贍，尚書量賑。詔。

魏書薛安都附傳豫州大饑，薛眞度表詔云云

詔責吐谷渾伏連壽

景明初

梁州表送卿報宕昌書梁彌邕與卿並爲邊附語其國則鄰藩論其位則同列而稱書爲表名報爲旨有司曰國有常刑殷勤請討朕慮險遠多虞輕相構惑故先宣此意善自三思

魏書吐谷渾傳

詔荅郭祚

景明初

企向成立且爲本鄉所樂何爲捨此世襲更求一限

周書泉企傳企襲父晉丹

水伯世領木縣令時吏部尙書祚祚曰企年少未堪宰民請別選遺終此一限令企代之宣武帝詔

報任城王澄立學詔

景明初

胄子崇業自古盛典國均之訓無應久廢尙書更可量宜脩立

魏書

任城王傳

分遣大使黜陟詔

景明二年正月壬戌

朕幼承寶厯艱憂在疚庶事不親風化未洽今始覽政務義協維新思使四方風從率善可分遣大使黜陟幽明

魏書宣武紀

詔于烈

景明二年正月

諸父慢怠，漸不可任。今欲使卿召兵召之，卿其行乎？

魏書于栗磾附傳

聽彭城王勰釋位歸第詔

景明二年正月庚戌

王宿尚開誠志捐世務，先帝愛亮之至，弗奪此情。遺敕炳然，許遂沖退，雅操不移。朕亦未敢違奪。今乃釋位歸策，巨園是營，高尚之節，確爾貞固。費履之操，逸焉難追。而王宅初構，財力多闕，成立之期，歲月莫就。可量遣工役，分給材瓦，稟王所好，速令制辦。務從簡

素，自稱王心。

魏書彭城王勰傳

遣咸陽王禧等還府司詔

景明二年正月

恪雖寡昧，忝承寶厯。比纏疢疹，實憑諸父。苟延視息，奄涉三齡。父等歸遜殷勤，今便親攝百揆。且還府司，當別處分。

魏書咸陽王禧傳

咸陽王禧北海王詳進位詔

景明二年正月

朕自寡昧，夙罹閔凶。憂勞在疚，罔知攸濟。實賴先帝聖帝遺澤，所

單宰輔忠賢劬勞王室用能撫和上下肅清內外乃式遵復子歸
政告遜辭理懇至邈然難奪便當勵茲空乏親覽機務王尊惟元
叔道理淵凝可進位太保領太尉司空北海王季父英明聲略茂

舉可大將軍錄尚書事

魏書咸陽王祚傳

荅盧昶奏鼠咎詔

景明二年

朕纂承鴻緒伏膺寶厯思靖八方惠康四海當必世之期麟鳳不
降厲勝殘之會白鼠告咎萬邦有罪實惟朕躬尚書敷納機猷獻
替是寄讜言有聞朕實嘉美

魏書盧玄附傳

止調外調罷詔

景明二年三月乙未朔

比年日來連有軍旅役務既多百姓彫敝宜時矜量旨拯民瘼正

調之外諸妨害損民一時調罷

魏書宣武紀

嚴勒守宰詔

景明二年三月辛亥

諸州刺史不親民事緩于督察郡縣稽遲旬月之間纒一覽決淹

獄久訟，動延時序，百姓怨嗟。方城困敝，尚書可明條制，申下四方。今日親庶事，嚴勅守宰，不得因循寬怠。臨政。

魏書宣武紀

省官詔 景明二年三月壬戌

治尚簡靜，任貴應事。州府佐史，除板稍多，方成損政，無益政道。又京師百司寮局殷雜，官有闕長者，亦同此例，苟非稱要，悉從蠲省。

魏書宣武紀

報北海王詳詔 景明二年五月

一人之身，愆不累德，形乖性別，忠逆固殊。是曰父殛子興，義高唐世，弟戮兄登，迹顯周魯，禧之與國，異體同氣。既肆無君之逆，安顧弟友之親，叔父忠顯，二朝誠貫，廟社實勛，贊沖昧，保乂鴻猷，豈容召微介之慮，忘阿衡之重，貂章卽曰，枚選，願不再述，祚屬眇躬，言及斯事，臨紙慙恨，悅慨兼深。

魏書北海王詳傳咸陽王禧之謀反也詳表求解任詔云云

敦諭彭城王總詔

蓋二儀分象君臣之位形焉上下既位唱和之義生焉自古統天
位主曷嘗不賴明師仗賢輔而後變和陰陽彝倫民物者哉往而
不返者先民誠有之斯所謂欲潔其身而亂大倫山林之士耳賢
人君子則不然也屈己以安民艱身以濟物所謂己先知覺後知
同塵而與天下俱潔者也朕猥以冲年纂臨寶祿實賴叔父匡濟
之功誠宜永兼將相以綱維內外但逼奪先旨憚違冲抱俛志割
心以遂高素自比水旱乖和陰陽失序是已屈王論道庶變茲玉
燭且師宰從容無廢清尚故周旦復辟而居之尚父期頤已終位
王義兼家國理絕獨高可遣侍中敦諭

魏書彭城王勰傳

參定禘禘儀注詔

景明二年六月

禮貴循古何必改作且先聖久遵編代恆典豈朕冲闇所宜革之
且禮祭之議國之至重先代碩儒論或不一可付八座五省太常

國子參定旨聞

魏書禮志二

遣賻王肅詔

景明二年七月

肅奄至不救痛惋兼懷可遣中書侍郎賈思伯兼通直散騎常侍撫慰厥孤給東園祕器朝服一襲錢三十萬帛一千匹布五百匹蠟三百斤并問其卜遷遠近專遣侍御史一人監護喪事務令優厚

魏書王肅傳

令王肅葬京陵詔

景明二年

死生動靜卑高有域勝達所居存亡崇顯故杜預之歿窆于首陽司空李冲覆舟是託顧瞻斯所誠亦二代之九原也故揚州刺史肅誠義結于二世英惠符于李杜平生本意願終京陵既有宿心宜遂先志其令葬于冲預兩墳之間使之神遊相得也

魏書王肅傳

詔報源懷

景明二年十一月

不君不臣江南常弊有粟不食其在斯矣上天將欲亡之諸蕃又願取之人事天道孰云匪會但曰義害人者不爲且十月五日衍

軍已達大航其大傷小亡之勢久應有決假令天罰寶卷衍兵獲
進則衍之主佐又是亂亡遺孽皇靈其能久祐之乎今之所矜者
正言南駭企德邊書繼至殄粹之氓理須救接若爾者揚州兵力
配積不少但可速遣任城委呂處分別加慰勉令妙盡邊算也

魏書

附傳
報裴衍請隱嵩高詔

景明二年

知欲養病中岳鍊石嵩嶺棲素雲根餌芝清壑騰迹之操深用嘉
焉但治缺古風有愧山客耳既志往難裁豈容有抑便從來請

魏書
裴叔業

附傳
埋瘞骸骨詔

景明三年二月

自比陽旱積時農民廢殖寤言增愧在子良多申下州郡有骸骨

暴露者悉可埋瘞

魏書宣武紀

遣迎肅寶寶詔

景明三年閏四月

蕭寶夤深識機運，歸誠有道，冒險履屯，投命絳闕。微子陳韓，亦曷
目過也。可遣羽林監領主事劉桃符詣彼迎接，其資生所須之物
及衣冠車馬在京邸傳付尚書，悉令預備。魏書蕭寶夤傳

報高顯等請勒銘射宮詔

景明三年十月

魏書蕭寶夤傳

此乃弓弧小藝，何足已示後葉，而喉唇近侍，苟已爲然，亦豈容有

異，便可如請。魏書高顯傳世宗幸鄴還于河內懷界帝親射矢一里五十餘步侍中高顯等奏請勒銘射宮詔云云

刊銘于射所聽爲之詞

徙御舊都詔 景明三年十一月

京洛兵蕪，歲踰十紀。先皇定鼎舊都，惟新魏厯，翦埽榛荒，勅茲雲
構，鴻功茂績，規模長遠。今廟社乃建，宮極斯崇，便當已來月中旬
蠲吉，徙御，仰尋遺意，感慶交衷。既禮盛周，宣斯干之制，事高漢祖
壯麗之儀，可依典故，備茲考吉，已稱遐邇，人臣之望。魏書宣武紀

詔任城王澄

景明三年十一月

將軍文德內昭武功外曠奮揚大略將蕩江吳長旌始舒賊徒懾
氣銳旅方馳東關席捲想江湖弭波在旦夕耳所送首虜並已開
之魏書任城王澄傳

躬勸農桑詔景明三年十二月

民本農桑國重蠶繅桑盛所憑冕織攸寄比京邑初基耕桑暫缺
遺規往旨宜必祗脩今寢殿顯成移御維始春郊無遠拂羽有辰
便可表營千畝開設宮壇乘耒援筐躬勸億兆魏書宣武紀

旱災察冤獄詔景明四年四月

酷吏爲禍綿古同患孝婦淫刑東海焦壤今不雨十旬意者其有
冤獄乎尙書鞠京師見囚務盡聽察之理魏書宣武紀

詔百司景明四年十二月

先朝制立軌式庶事惟允但歲積人移物情乖愾比或擅有增損
廢墜不行或守舊遺宜時有舛妨或職分錯亂互相推委其下百

司列其疑闕，速已奏聞。魏書宣武紀

報元英詔。景明四年

學業墜廢，爲日已久，非一使能勸，比當別敕。魏書南安王禧附傳元英奏求遣使就郡

校練學生詔

詔奪元鸞祿一周。景明中

鸞親唯宗懿，作牧大州，民物殷繁，綏寧所屬，宜克已厲誠，崇清樹

惠，而乃驟相徵發，專爲煩擾，編戶嗷嗷，家懷嗟怨，北州土廣，茲亂

是由，準法尋愆，應加肅黜，已鸞戚屬，情有未忍，可遣使者，已義督

責，奪祿一周，以示威罰也。魏書城陽王長壽附傳長壽次子鸞爲青州刺史轉定州刺史籍起佛寺公私

費擾順爲民患世宗聞而詔

詔依禮治趙郡王母子罪

妾之于女君，猶婦人事舅姑，君臣之禮，義無乖二，妾子之于君母，

禮加如子之恭，何得黷我風政，可付宗正依禮治罪。魏書趙郡王

穆氏表謙母趙等皆禮愈常不遜
日甚尊卑義阻母子道絕詔云云

授源懷爲馮翊公詔

景明中

宿老元臣云如所訴訪之史官頗亦言此可依比授馮翊郡開國

公邑九百戶

魏書源
賀附傳

報源懷詔

景明中

省表具卹民之懷已敕有司一依所上下爲永準如斯之比不便

于民損化害政者其備列賀附傳

原裴植詔

植閭門歸款子昕恩味爲人誘諂雖刑書有常理宜矜恤可特恕

其罪魏書裴叔業附傳叔業兄子植人爲大鴻臚

詔詰宋祿

卿故違朝法豈不欲作威魏書宋祿傳祿爲河陰令縣已買名有大柳號曰彌尾青內並揚小

騎請縣請事命取尾青詔云云
之既免入誦于世宗詔云云

呂侯剛爲右衛大將軍詔

太和之季，蟻寇侵疆，先皇于不豫之中，命師出討，撫戎暴露，觸御
乖和，朕屬當監國，弗獲隨侍，而左右服侍，唯藉忠勤，剛于違和之
中，卒勤行飪，追遠錄誠，宜先推敘，其呂剛爲右衛大將軍。魏書恩
傳

盧道將襲爵詔 景明末

長嫡承重，禮之大經，何得輒授也。魏書盧玄附傳盧淵子道將襲
父爵而讓共第八弟道舒有司

奏開宣
武調

徙趙脩詔

小人難育，朽棘不彫，長惡不悛，豈容撫養，散騎常侍鎮東將軍領
扈左右趙脩，昔在東朝，選充臺阜，幼所經見，長難遺之，故纂業之
初，仍引西禁，雖地微器陋，非所宜采，然識早念生，遂陞名級，自蒙
洗濯，兇昏日甚，驟佞薦橋，恩加輕慢，不識人倫之體，不悟深淺之

方陵徹王侯輕卑卿相門賓巷士拜叩不接隱氣豪心仍懷鄙塞
比聽葬父侈暴繼聞居京造宅殘虐徒旅又廣張形勢妄生播託
與雍州人趙僧擿等陰相傳納許受玉印不軌不物日月滋甚朕
猶愍其宿隸每加覆護而擅威弄勢侏張不已法家耳目並求憲
綱雖欲捨之辟實難爽然楚服既墜江君徘徊鐘牛一聲東向改
爨脩雖小人承侍在昔極辟之奏欲加未忍可鞭之一百徙敦煌
爲兵其家宅作徒卽仰停罷所親在內者悉令出禁朕昧于處物
育茲豺虎願尋往認有愧臣民便可時赦申沒魏書趙曰謝朝野魏書趙

又詔任城王澄

正始元年二月

鍾離若食盡三月已前固有可剋如至四月淮水泛長舟行無礙
宜善量之前事捷也此實將軍經略勳有常焉如或曰水盛難圖
亦可爲萬全之計不宜昧利無成魏書任城曰貽後悔也

免北海王詳爲庶人詔

正始元年五月丁未朔

王澄傳

王位兼台輔，視聽莫二，朝野屬賴，具瞻所歸，不能勳德存道，宣融軌訓，方乃肆茲貪覲，穢暴顯聞，遠負先朝友愛之寄，近乖家國推敬所期，理官執憲，實合刑典，天下爲公，豈容私抑，但朕諸父傾落，存者無幾，便極逮坐，情有未安，可免爲庶人，別營坊館，如法禁衛，限日終身，邦家不造，言尋感愴。

魏書北海王詳傳

爲北海王詳舉哀詔
北海叔奄至傾背，哀慕抽慟，情不自任，明便舉哀，可敕備辦喪還南宅，諸王皇宗，悉令奔赴，給東園祕器，贈物之數，一依廣陵故事。

魏書北海

王詳傳

愛旱詔 正始元年六月

朕曰匪德，政刑多舛，陽旱歷旬，京甸枯瘁，在予之責，夙宵疚懷，有司可循案舊典，祇行六事，囹圄冤滯，平處決之，庶尹廢職，重加脩舉，鰥寡困窮，在所存恤，役賦殷煩，咸加蠲省，賢良讜直，日禮進之。

貪殘佞諛時加屏黜男女怨曠務令媾會稱朕意焉

魏書宣武紀

詔元鑿

正始元年七月

知摧角城威謀展稱良曰欣然此城襟帶淮瀕川路衝要自昔經算未能剋之蟻固積紀每成邊害將軍淵規潛運妙略克宣闢境剋城功著不日據要扼喉津徑勢阻可謂勳高三捷朕甚嘉焉守

御諸宜善目量度矜慰之使尋當別遣

魏書河南王曜附傳

令羣官集太樂署攷論音律詔

正始元年七月

太樂令公孫崇更調金石變理音準其書二卷并表悉付尙書夫禮樂之事有國所重可依其請八座已下四門博士已上此月下旬集大樂署采論同異博采古今自成一代之典也

魏書樂志先是高闕引給

事中公孫崇共攷音律景明中崇乃上言樂事正始元年秋詔

賜進士出身二品銜廣東等處提刑按察使司按察使兼管驛傳事務清岡王毓藻校刊

全後魏文卷八終

全後魏文卷八

宣武帝

十